

Мария Петровна Мохначевская – Марта – Мария
Оџо саас

Сылаас дьиэбэ бүгэммин,
Сынньалангы буламмын,
Сытан ыла түһэммин
Саныым оџо саастарбын.

Саха сирдээх буоламмыт
Саамай уһун кыһыммыт,
Саллар үйэ устата
Салыннарбат тымныгыта.

Салааскалаах оџолор
Сыыртан түһэр буоларбыт,
Сыыгынаабыт Дед Моруос
Сирэйбитин сып гыммыт.

Санаан ылар буолабын
Сыарџалаах ат айанын,
Ситэн ылан хатаастан,
Сүрдээх дьоллоох сананан.

Суолга тобус – толору
Сылгы мээчик түһэрбит,
Сыһа- халты олору
Суолу быһа тэбэрбит.

Сирэй- буурай хаатынгам
Сиидэ буола тэстибит.
Сойуус тигэн таһыттан
Сэмэлиирэ ийэбит.

Салааскалаах оџо саас
Сыыдам сылгы айаннаан,
Сойуустаммыт хаатынгам...
Сайа охсор ахтылџан

Оџо саас кэмнэрбин санаатым

Оџо саас кэмнэрбин санаатым,
Космоска Гагарин көппүтүн,
Омуннаах оџолор тахсаммыт
Олоотоон көрөрбүт халлааны.

Бэл биһи уу тунуй сүрэхпит
Оччоџо киэн тутта үөрбүшпүт.
Аан бастаан куйаарга тахсыбыт
Биһиги сэбиэскэй киһибит!

Ол кэмнэ оруобуна сөп түбэхэн
Уллунгах кээмэйдээх харчыны
Бэрт дьоџус кумааџы харчыга
Суолтатын эргитэр кэм баара.

Тарбаџы быыһынан саккырыыр
Күндэлэс манньыат баар буолбута,
Ас – танас сыаната, бадаџа,
Арыычча намтаабыт курдуга.

Оччоттон да саџалаан
Олохпут тупсара кыралаан.
Олонхо дойдута киэн куйаар
Олоччу биһиэнэ аан бастаан!